



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-04-15-24632/22  
Sarajevo, 27.06.2022. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), Zakona o poticaju razvoja male privrede ("Službene novine Kantona Sarajevo", broj 29/15), člana 2. stav (5) Pravilnika o postupcima u provođenju Programa razvoja male privrede ("Službene novine Kantona Sarajevo", broj 20/21), a temeljem Godišnjeg plana provođenja Programa razvoja male privrede za 2022. godinu ("Službene novine Kantona Sarajevo", broj 25/22), Ministarstvo privrede Kantona Sarajevo d o n o s i

## **ODLUKU**

### **I**

Usvaja se Program utroška sredstava "Poticaj razvoju male privrede" za 2022. godinu, koji je sastavni dio ove odluke.

### **II**

Ova odluka stupa na snagu danom donošenja, a zajedno sa Programom utroška sredstava iz tačke I ove odluke objavit će se na web stranici Ministarstva privrede.



Dostaviti:

1. Evidencija
2. a/a





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-04-15-24632-1/22  
Sarajevo, 27.06.2022. godine

## **PROGRAM**

### **utroška sredstava "Poticaj razvoju male privrede" za 2022. godinu**

#### **UVOD**

Na osnovu člana 10. stav (4) Zakona o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: Zakon), člana 2. stav (2) Pravilnika o postupcima u provođenju Programa razvoja male privrede („Službene novine Kantona Sarajevo”, broj 20/21) (u daljnjem tekstu: Pravilnik), člana 29. i 36. Zakona o izvršenju Budžeta Kantona Sarajevo za 2022. godinu („Službene novine Kantona Sarajevo”, broj 5/22), Vlada Kantona Sarajevo donijela je Odluku o usvajanju Godišnjeg plana provođenja programa razvoja male privrede za 2022. godinu, broj: 02-04-23327-37/22 od 09.06.2022. godine ("Službene novine Kantona Sarajevo", broj 25/22) (u daljnjem tekstu: Godišnji plan). Godišnjim planom za 2022. godinu planirane su i propisane mjere koje će u potrebnim i mogućim segmentima Ministarstvo privrede putem javnih poziva provesti u cilju daljnje stabilizacije i razvoja poduzetničkog okruženja, broja privrednih subjekata i očuvanja radnih mjesta, te se na taj način stvorili uvjeti za ekonomski rast i razvoj obrta, malog i srednjeg poduzetništva i rast zaposlenosti.

U cilju realizacije Godišnjeg plana, Ministarstvo privrede Kantona Sarajevo na osnovu člana 2. stav (5) Pravilnika i Godišnjeg plana sačinjava Program utroška sredstava "Poticaj razvoju male privrede" (u daljnjem tekstu: Program) i donosi Odluku o njegovom usvajanju (u daljnjem tekstu: Odluka). Ovim Programom se u skladu sa članom 2. stav (6) Pravilnika definišu nazivi i vrste programa, te se za svaki pojedinačni program utvrđuju sljedeći elementi: ciljevi programa, kriteriji za izbor, korisnici programa, iznos i namjena planiranih poticajnih sredstava, iznos sredstava za subvencioniranje kamata na kreditna sredstava, kao i iznos i namjena planiranih poticajnih kreditnih sredstava.

U skladu sa Programom razvoja male privrede za period 2020.-2023. godina primarni strateški cilj koji se želi postići ovim programom je razvojni cilj kao i daljnja stabilizacija poslovanja subjekata male privrede u Kantonu Sarajevo. Dodatno, u skladu sa privrednim prilikama, nastojat će se povećati broj subjekata male privrede i broj zaposlenih u Kantonu Sarajevo. Za realizaciju ovih ciljeva utvrđeno je nekoliko prioriteta zajedno sa mjerama/programima u 2022. godini, i to:

#### **PRIORITET 1.**

Unapređenje dostupnosti izvora finansiranja

- Kreditiranje subjekata male privrede pod povoljnijim uslovima; i
- Refundiranje dijela troškova kamata po preuzetom kreditu kod komercijalnih banaka.



## PRIORITET 2.

Razvoj poduzetničkog okruženja, podrška likvidnosti, obezbjeđenje novih obrtnih sredstava, unaprjeđenje poslovanja i nova ulaganja

- Poticaj za refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja;
- Poticaj za nova ulaganja u tehnološku modernizaciju i primjenu standarda kvalitete; i
- Poticaj razvoja ženskog preduzetništva.

## PRIORITET 3.

Podrška formiranju novih subjekata i zapošljavanju sa posebnim fokusom na mlade

- Poticaj za razvoj poduzetništva mladih;
- Poticaj za unaprjeđenje IT preduzetništva;
- Poticaj za unaprjeđenje preduzetništva u domenu pružanja administrativnih usluga dominantno izvozne orijentacije; i
- Poticaj projektima promocije obrtništva.

Program utroška sredstava definiše ukupno devet programa koje će putem odgovarajućih javnih poziva ovo Ministarstvo provesti u 2022. godini, i to: Kreditiranje subjekata male privrede pod povoljnijim uslovima; Poticaji za razvoj poduzetništva mladih; Poticaj za unaprjeđenje IT preduzetništva; Poticaj za unaprjeđenje preduzetništva u domenu pružanja administrativnih usluga dominantno izvozne orijentacije; Subvencioniranje/refundiranje kamata po preuzetim kreditima kod komercijalnih banaka; Poticaj za tehnološku modernizaciju, primjenu standarda kvalitete i digitalizaciju poslovanja; Poticaj za nova ulaganja u tehnološku modernizaciju i primjenu standarda kvalitete; Poticaj razvoja ženskog preduzetništva; i Poticaj projektima promocije obrtništva.

## 1. OPĆI USLOVI ZA DODJELU POTICAJNIH SREDSTAVA

Pravo na poticajna sredstva iz Budžeta Kantona Sarajevo namijenjena za realizaciju ovog Programa mogu ostvariti subjekti po pojedinačnim programima iz tačaka od 2.1 do 2.9 ako ispunjavaju uslove i kriterije propisane ovim Programom i odnosnim javnim pozivom. Kada su u pitanju pojedinačni programi iz tačaka od 2.1 do 2.8, pravo na poticajna sredstva po ovim programima mogu ostvariti subjekti male privrede, koji su kao takvi definisani Zakonom („Službene novine Kantona Sarajevo“, broj: 29/15).

### 1.1 Opći uslov – obavljanje registrovane osnovne djelatnosti

Kada je u pitanju vrsta djelatnosti, po pojedinačnim programima od 2.1 do 2.8 pravo na poticajna sredstva po ovom Godišnjem planu mogu ostvariti subjekti male privrede koji obavljaju registrovanu osnovnu djelatnost prema Klasifikaciji djelatnosti KD BiH 2010 („Službeni glasnik BiH“, broj 47/10), kako slijedi:

**a) Program 2.1** “Obezbjedenje kreditiranja pod povoljnijim uslovima” i **Program 2.2** “Podrška mladima za pokretanje start up poslovnih subjekata”:

**Područje C** - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);

**Područje E** - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;

**Područje F** - Građevinarstvo, šifre djelatnosti: (41.10-43.99);



**Područje G** Trgovina na veliko i na malo; Popravak motornih vozila i motocikala, šifre djelatnosti: (45.11 -45.40), (46.21 – 46.24), (46.31 – 46.33), (46.36 – 46.39), (46.41 – 46.77), (47.11 – 47.24) i (47.41 – 47.79) po pojedinačnom Programu 4.2.1, a šifra 45.20 po pojedinačnom Programu 4.2.2;

**Područje H** - Prijevoz i skladištenje, šifre djelatnosti: 52.10, 52.21, 52.23, 52.24, 52.29, 49.31, 49.39, 49.41 i 49.42);

**Područje I** - Djelatnosti pružanja smještaja te pripreme i usluživanja hrane, šifre djelatnosti: (55.10 – 56.29);

**Područje J** - Informacije i komunikacije, šifre djelatnosti: (58.11 – 63.99);

**Područje M** - Stručne, znanstvene i tehničke djelatnosti, šifre djelatnosti: (69.10 – 74.20), 74.90 i 75.00;

**Područje N** - Administrativne i pomoćne uslužne djelatnosti, šifre djelatnosti: (79.11– 79.90), (81.21–81.29), 82.11 i 82.20;

**Područje Q** - Djelatnosti zdravstvene zaštite i socijalne skrbi, šifre djelatnosti: (86.21 – 88.99); i

**Područje S** - Ostale uslužne djelatnosti, šifre djelatnosti: (95.11 – 96.04).

**b) Program 2.3** “Poticaj za unapređenje IT preduzetništva u svrhu novog zapošljavanja”:

**Područje J** - Informacije i komunikacije, šifre djelatnosti: 62.01, 62.02, 62.03 i 62.09.

**c) Program 2.4** “Poticaj za unapređenje preduzetništva u domenu pružanja administrativnih usluga dominantno izvozne orijentacije“:

**Područje J** - Informacije i komunikacije, šifre djelatnosti: 63.11 i 63.99;

**Područje M** - Stručne, znanstvene i tehničke djelatnosti, šifre djelatnosti: (69.10 – 74.20); i

**Područje N** - Administrativne i pomoćne uslužne djelatnosti, šifre djelatnosti: 82.11 i 82.20.

**d) Program 2.5** "Refundiranje dijela troškova kamata po preuzetim kreditima", **Program 2.6** "Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja", **Program 2.7** "Poticaj za nova ulaganja u tehnološku modernizaciju i primjenu standarda kvalitete" i **Program 2.8** "Poticaj razvoja ženskog preduzetništva”:

**Područje C** - Prerađivačka industrija, sa sljedećim šiframa djelatnosti: (10.11-10.92), 11.07, (13.10-18.20), (20.11-25.30) i (25.50-33.20);

**Područje E** - Opskrba vodom, uklanjanje otpadnih voda, gospodarenje otpadom te djelatnosti sanacije okoliša, sa sljedećim šiframa djelatnosti: (38.11-38.32);

**Područje F** - Građevinarstvo, sa sljedećim šiframa djelatnosti: (41.10-43.99);

**Područje G** -Trgovina (popravak motornih vozila i motocikala), sa sljedećom šifrom djelatnosti: 45.20;

**Područje I** - Djelatnosti pružanja smještaja te pripreme i usluživanja hrane (hoteljerstvo i ugostiteljstvo), sa sljedećim šiframa djelatnosti: (55.10-56.29);

**Područje J** - Informacije i komunikacije, sa sljedećim šiframa djelatnosti: 58.11, 58.21, 58.29, 62.01, 62.02, 62.03; 62.09; 63.12 i 63.91;

**Područje M** - Stručne, naučne i tehničke djelatnosti, sa sljedećim šiframa djelatnosti: (69.10 – 74.20) i 75.00;

**Područje N** - Administrativne i pomoćne uslužne djelatnosti, sa sljedećim šiframa djelatnosti: (79.11 – 79.90) i (81.21 – 81.29);

**Područje Q** - Djelatnosti zdravstvene zaštite i socijalne skrbi, sa sljedećim šiframa djelatnosti: (86.21 -86.90); i

**Područje S** - Ostale uslužne djelatnosti, sa sljedećim šiframa djelatnosti: (95.11–96.03).



## 1.2 Ostali opći uslovi

- a) Po pojedinačnim programima od 4.2.1 do 4.2.8 iz ovog Godišnjeg plana, subjekti male privrede/podnosioci prijave registrovanu osnovnu djelatnost prema Klasifikaciji djelatnosti KD BiH 2010 („Službeni glasnik BiH“, broj 47/10) dokazuju dostavljanjem dokumenta koji izdaje Federalni zavod za statistiku – Služba za statistiku za područje Kantona Sarajevo: - Obavještenje o razvrstavanju pravnog lica prema klasifikaciji djelatnosti (u daljnjem tekstu: Obavještenje službe za statistiku).
- b) Po Programu 4.2.4 “Poticaj za unaprjeđenje preduzetništva u domenu pružanja administrativnih usluga dominantno izvozne orijentacije“, podnosilac prijave mora ispunjavati uslov da je u 2021. godini ostvario više od 50% prihoda na stranim tržištima.
- c) Poticajna sredstva se neće dodijeliti subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost, kao i subjektima koji imaju dospjeli dug po osnovu poreza i doprinosa, osim ako je subjekt uz prijavu dostavio potpisan ugovor sa Poreznom upravom Federacije BiH i/ili Upravom za indirektno oporezivanje BiH o otplati duga na rate.
- d) Podnosilac prijave nema pravo na poticajna grant sredstva za predmet poticanja za koji je primio poticajna grant sredstva putem drugih programa finansiranja/sufinansiranja: Vlade Kantona, neke druge institucije u FBiH ili nevladine organizacije. Ukoliko se naknadno utvrdi da je koristio sredstva poticaja iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama.
- e) Podnosilac prijave nema pravo na poticajna grant sredstva ukoliko ne dostavi odgovarajuće izjave kojima potvrđuje da osnivač/vlasnik i/ili odgovorna osoba nisu pravosnažno osuđivane za kaznena djela prevare u privrednom poslovanju, davanje i primanje dara, te druga kaznena djela povezana s korupcijom.
- f) Najveći pojedinačni iznos sredstava poticaja koji se dodjeljuju podnosiocima prijave po pojedinačnim programima propisuje se u ovom Godišnjem planu, Odluci i u odnosnom javnom pozivu.
- g) Ukoliko se utvrdi da je subjekt u skladu s odnosnim javnim pozivom ostvario pravo na temelju dostavljene neistinite dokumentacije, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama, odnosno izvršiti povrat sredstava za subvenciju kamata po odobrenom kreditu sa pripadajućim zakonskim zateznim kamatama.
- h) Javni poziv za izbor korisnika poticajnih grant sredstava i javni poziv za izbor banke/banaka za plasman kreditnih sredstava objavljuje Ministarstvo. Javni pozivi objavljuju se na web stranici Ministarstva, a odnosna obavještenja o ovim javnim pozivima objavljuju se u "Službenim novinama Kantona Sarajevo" i dnevnom listu čiji je izdavač - pravno lice sa sjedištem u Kantonu Sarajevo. Izbor krajnjih korisnika poticajnih kreditnih sredstava obavlja se u skladu sa javnim pozivom koji objavljuje Banka.
- i) Osim Programa 4.2.1 “Obezbjedenje kreditiranja pod povoljnijim uslovima” i 4.2.9 “Poticaj projektima promocije obrtništva”, po osnovu ovog Godišnjeg plana subjekt male privrede može podnijeti najviše dvije prijave, tj. po jednu prijavu za najviše dva pojedinačna programa. U slučaju da subjekt podnosi dvije prijave po odnosnim programima iz ovog Godišnjeg plana obavezan je u prijavi navesti koja je prijava prioriteta. Ukoliko su obje prijave formalno-pravno ispravne, Ministarstvo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijava na protokolu ukoliko u istim nije navedeno koja je prijava prioriteta. Opću dokumentaciju koja se traži Javnim pozivom, subjekt može dostaviti uz samo jednu prijavu, pri čemu je obavezan u prijavi navesti uz koju prijavu je dostavio Opću dokumentaciju
- j) U skladu sa članom 10. Pravilnika podnosilac prijave koji do objave Javnog poziva ne opravda dodijeljena poticajna sredstva po ranije preuzetim ugovornim obavezama, nema pravo učešća, odnosno, njegova se prijava neće razmatrati.

- k) Osim Programa 4.2.1 "Obezbjedenje kreditiranja pod povoljnijim uslovima" i 4.2.9 "Poticaj projektima promocije obrtništva", podnosilac prijave koji je dvije godine uzastopno, po bilo kojem programu koristio poticajna sredstva Ministarstva nema pravo učešća u Javnom pozivu. (U skladu sa članom 9. Pravilnika ovo ograničenje se ne odnosi na nosioce Programa iz člana 16. Zakona i banku/banke iz člana 3. stav (10) Pravilnika.)
- l) U slučaju da se nakon obrađenih svih prijava po pojedinačnim programima od 4.2.3 do 4.2.9 iz ovog Godišnjeg plana, u postupku izbora korisnika poticajnih sredstava po odnosnom pojedinačnom programu utvrdi da je planirani iznos sredstava za taj pojedinačni program veći od iznosa sredstava utvrđenog nakon svih obrađenih prijava za taj pojedinačni program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna shodno zaprimljenim i obrađenim urednim prijavama. Odnosna preraspodjela sredstava po pojedinačnim programima utvrđuje se odlukom Ministarstva i odnosi se na sve javne pozive za izbor korisnika poticajnih sredstava po odnosnim pojedinačnim programima od 4.2.3 do 4.2.9 koji su do dana donošenja ove odluke objavljeni u 2022. godini.
- m) Ukoliko preraspodjelom sredstava iz podtačke l) ove tačke nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe od 4.2.3 do 4.2.9 iz ovog Godišnjeg plana, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa: Program 4.2.3; Program 4.2.6; Program 4.2.7; Program 4.2.8; Program 4.2.4; Program 4.2.5; i Program 4.2.9.
- n) Ako se preraspodjelom sredstava iz podtačaka l) i m) ove tačke ne obezbijedi potreban iznos sredstava po određenim - preostalim pojedinačnim programima iz redoslijeda iz podtačke m), podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema sljedećim kriterijima: A - Vrsta djelatnosti (četiri grupe, maksimalno 30 bodova); B - Broj zaposlenih (četiri grupe, maksimalno 40 bodova); i C - Ostvarena dobit (četiri grupe, maksimalno 30 bodova). Za kriterije: A, B i C, iznos bodova u svakoj pojedinačnoj grupi utvrđuje se odnosnim javnim pozivom.

## 2. Pojedinačni programi poticaja razvoja male privrede u Kantonu Sarajevo za 2022. godinu

U skladu sa Godišnjim planom i ovim Programom sredstva planirana u Budžetu Kantona Sarajevo za 2022. godinu za poticaj razvoja male privrede u ukupnom iznosu od 8.892.000,00 KM raspoređuju se po programima kako slijedi:

### 2.1. Program: "Obezbjedenje kreditiranja pod povoljnijim uslovima"

#### Ciljevi programa

Subjektima male privrede koji imaju sjedište na području Kantona Sarajevo je ovim programom obezbjeđena mogućnost kreditiranja za osnovna i obrtna pod povoljnijim uslovima uz subvencioniranje kamatne stope od strane Ministarstva privrede. Kreditiranje se vrši putem banke/banaka izabrane prema kriterijima i uslovima iz Godišnjeg plana i ovog Programa na osnovu javnog poziva za odabir banke/banaka (do tri banke) za plasman kreditne linije.

#### Kriteriji i uslovi za izbor korisnika poticajnih sredstava

Po ovom programu uslovi i kriteriji za izbor banke za plasman kreditnih sredstava uz 100% subvenciju kamatne stope su sljedeći: Banke u svojim prijavama dostavljaju ponude za plasman kreditnih sredstava vodeći računa o sljedećem: odnos kreditnih sredstava i sredstava za subvenciju ne može biti manji od 18 mil. KM/1 mil. KM; Visina kamatne stope (iskazana u %), koja ne može biti veća od 2,9%; Visina troškova obrade kredita (iskazana u %); i Greis period (iskazan u



mjesecima) koji za dugoročne kredite ne može biti manji od šest mjeseci. Broj bodova po ovim kriterijima propisuju se javnim pozivom za ovaj pojedinačni program. Broj izabranih banaka za plasman kreditnih sredstava po ovom programu ne može biti veći od tri. U slučaju da dvije ili više banaka, nakon ocjenjivanja ponuda, ostvare isti broj bodova, prednost u postupku izbora banaka imat će ponuda banke čija je veća visina kapitala na dan 31.12.2021. godine. Planirana struktura rasporeda poticajnih sredstava namjenjenih za subvenciju troškova kamate u iznosu od 5.000.000,00 KM po ovom programu se vrši na sljedeći način: prvorangirana banka ostvaruje pravo na 50% ovih sredstava, drugorangirana banka – 30% ovih sredstava i trećerangirana banka – 20% ovih sredstava. Visina kreditnih sredstva odnosno banke za kreditnu liniju subjektima male privrede utvrđuje se na sljedeći način: dostavljena ponuda banke koja ne može biti manja od 18 mil. KM za 1 mil. KM subvencije množi se sa pripadajućim koeficijentom (2,5; 1,5 i 1) nakon utvrđene rang liste odabranih banaka. U slučaju da se u postupku izbora banaka ne izabere niti jedna banka ili se izabere jedna banka ili se izaberu dvije banke, može se objaviti novi (drugi) javni poziv za izbor banke/banaka za preostala odnosna poticajna sredstva. Smanjenje odnosa kreditnih sredstava/sredstava za subvenciju, nastalo kao posljedica smanjenja iznosa kreditnih sredstava, koji je ugovoren sa odnosnom bankom za plasman kreditnih sredstava može odobriti Vlada Kantona Sarajevo ako za odnosno smanjenje postoji opravdan razlog. U slučaju da Vlada Kantona Sarajevo ne odobri ovo smanjenje, banka nema pravo aplicirati na naredne javne pozive za izbor banke/banaka za plasman poticajnih kreditnih sredstava u periodu do tri godine počev od dana zaključenja ugovora po javnom pozivu za ovaj program.

### **Korisnici programa**

Pravo na dodjelu poticajnih kreditnih sredstava (uz subvencioniranu kamatnu stopu), u skladu sa podtačkom a) tačke 1.1 Opći uslov – obavljanje registrovane osnovne djelatnosti, ostvaruju subjekti male privrede definisani Zakonom ("Službene novine Kantona Sarajevo", broj 29/15) koji ispunjavaju uslove i kriterije iz ovog programa.

### **Iznos i namjena planiranih poticajnih sredstava**

Kreditna linija uz subvencioniranu kamatnu stopu ima za cilj da pruži finansijsku podršku subjektima male privrede za nabavku osnovnih sredstava i investicije (dugoročna finansiranja), obezbjeđenje tekuće likvidnosti, produktivnije poslovanje i rast privrednih aktivnosti i finansiranja za trajna obrtna sredstva. Subjekti male privrede kojima se odobre kreditna sredstava iz ove kreditne linije obavezuju se da ista koriste na način da najmanje 30% odobrenog iznosa utroše za osnovna sredstva, a maksimalno do 70% odobrenog kreditnog iznosa za obrtna sredstva i održavanje tekuće likvidnosti. Korisnik poticajnih kreditnih sredstava obavezan je zadržati broj uposlenih koji je imao na dan podnošenja prijave. Sredstva iz ove kreditne linije trebaju omogućiti subjektima male privrede kupovinu mašina i opreme, razvoj i pokretanje novih aktivnosti, održavanje i unapređenje postojeće proizvodnje, veća iskorištenja privrednih kapaciteta, ekonomsku stabilnost privrednih subjekata, održavanje postojećih radnih mjesta i novo zapošljavanje, očuvanje postojećih subjekata male privrede, povećanje izvoza i obezbjeđenje redovnog poslovanja. Izbor korisnika kreditnih sredstava i iznos pojedinačnih poticajnih kreditnih sredstava, u skladu sa uslovima iz ovog Programa i kreditnim potencijalom odnosno subjekta male privrede utvrđuje odabrana banka. Banka u skladu sa odnosnim propisima i pravilima struke obezbjeđuje sredstva za kreditnu liniju subjektima male privrede u pojedinačnom iznosu do 1,000,000.00 KM, na rok do sedam godina (84 mjeseca) koji ne uključuje greis period. Godišnjim planom u 2022. godini za subvenciju troškova po osnovu kamatne stope u visini do 2,9% planiran je iznos od 5.000.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke/banaka. Sredstva za subvenciju obezbjeđena su u Budžetu Kantona Sarajevo za 2022. godinu.





## 2.2 Program: "Podrška mladima za pokretanje start up poslovnih subjekata"

### Ciljevi programa

Ovaj program ima za cilj probuditi preduzetnički duh među mladim ljudima, motivisati kreativne mlade pojedince s inovativnim i provedivim poslovnim idejama za pokretanje vlastitog biznisa i jačanje preduzetničke kompetencije mladih osoba u Kantonu Sarajevo. Programom se za cca. 50 mladih nezaposlenih osoba pruža podrška i finansijski poticaj za pokretanje i vođenje vlastitog start up poslovnog subjekta u skladu sa prihvaćenim biznis planom koji je usklađen sa ekonomskim i drugim standardima.

### Kriteriji i uslovi za izbor korisnika poticajnih sredstava

Mlade osobe (podnosioci prijave) u I fazi moraju ispunjavati sljedeće osnovne (eliminatorne) kriterije kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu stariji od 35 godina u momentu dostavljanja prijave; da do dana zaključenja ugovora sa Ministarstvom privrede Kantona Sarajevo za sve aktivnosti koje su naveli u biznis planu i za iste te aktivnosti podnijeli prijavu za dodjelu grant sredstava nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove „Služba za zapošljavanje Kantona Sarajevo“ Sarajevo, Federalnog zavoda za zapošljavanje ili donatorskih organizacija, odnosno da za traženi predmet poticanja nisu zaključili ugovore o dodjeli grant sredstava koja potiču iz prednje navedenih izvora, da su spremni osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog programa; da imaju izrađen biznis plan u skladu sa ekonomskim standardima, a koji između ostalog uključuje: ukupna sredstva za realizaciju poslovne ideje, sopstvena sredstva i njihova namjena i poticajna grant sredstva iz budžeta i njihova namjena; da u biznis planu nije predviđeno korištenje poticajnih grant sredstava iz budžeta za neprihvatljive troškove i da su mladi spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

### Korisnici programa

U skladu sa članom 12. tačka h) Zakona i čl. 4., 16., 25. i 42. Zakona o mladima i na osnovu Strategije prema mladima, pravo na korištenje bespovratnih sredstava imaju nezaposlena punoljetna fizička lica koja pripadaju kategoriji mladih ljudi u skladu sa čl. 4. i 42. Zakona o mladima (18-35 godina u trenutku objavljivanja javnog poziva), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su djelatnosti obuhvaćene podtačkom a) tačke 1.1 Opći uslov – obavljanje registrovane osnovne djelatnosti iz ovog Programa.

### Iznos i namjena planiranih poticajnih sredstava

Za provođenje aktivnosti po Programu: "Podrška mladima za pokretanje start up poslovnih subjekata na području KS" predviđeno je 1.000.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuju u maksimalnom iznosu do 21.600,00 KM. Grant podrška po jednom odabranom korisniku predviđena je u maksimalnom iznosu do 18.000,00 KM, a iznos od 3.600,00 KM predviđen je za finansiranje isplate minimalne mjesečne neto plaće za prvih 6 (šest) mjeseci rada i dio troškova svih zakonom propisanih poreza i doprinosa na neto plaću, te ostalih naknada za zaposlenog radnika u ukupnom iznosu od 600,00 KM za svakog odabranog korisnika. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može



realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja bjanko ovjerene mjenice padaju na teret korisnika sredstava.

### **2.3 Program: "Poticaj za unapređenje IT preduzetništva u svrhu zapošljavanja"**

#### **Ciljevi programa**

Sredstva su namijenjena za subvencioniranje troškova unaprjeđenja, razvijanja i jačanja IT preduzetništva i nova zapošljavanja. Poticaj za unaprjeđenje IT preduzetništva je program koji je u 2022. godini namijenjen IT kompanijama koje u skladu sa svojim internim programima obuke za grupe polaznika (3 do 20 osoba) a u skladu sa prihvaćenim projektom izvrše provođenje programa interne obuke, prilagođavanje radu u IT kompaniji i osposobljavanju iz oblasti rada savremene IT kompanije. Namjena odobrenih poticajnih sredstava je da IT kompanija nakon provedenog programa interne obuke i osposobljavanja kreira platformu za zapošljavanje određenog broja polaznika obuke u skladu sa dostavljenim projektom i iznosom odobrenih poticajnih sredstava.

#### **Kriteriji i uslovi za izbor korisnika poticajnih sredstava**

Podnosilac ponude mora biti registrovan za pružanje usluga u oblasti informaciono-komunikacionih tehnologija (prema Obavještenju službe za statistiku obavljaju osnovnu djelatnost u Području J – Informacije i komunikacije sa šiframa djelatnosti 62.01, 62.02, 62.03 i 62.09). Korisnik sredstava/podnosilac prijave je obavezan obezbijediti vlastito učešće u visini od najmanje 10% od vrijednosti traženih sredstava prema projektu, dostaviti uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave ovog javnog poziva sa obaveznim prilogom - Lista osiguranih za obveznika, te dostaviti vlastitu izjavu o kvalifikacionoj strukturi zaposlenih kao i projekat - interni program obuke prilagođen kompaniji/podnosiocu prijave (projekat pored ostalog mora uključivati: planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstava Ministarstva za nova zapošljavanja, iznos i namjena vlastitih ulaganja i sl.) i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u predmetnoj IT kompaniji ili sa lokalnim/globalnim tržištem ili za dalji razvoj vlastitog biznisa - start up preduzeća. Korisnik poticajnih grant sredstava, IT kompanija koja po ovom osnovu ostvari poticaj dužna je uz redovni Izvještaj o utrošku sredstava dostaviti i potvrdu Porezne uprave o novozaposlenim radnicima.

#### **Korisnici programa**

Pravo na dodjelu poticajnih grant sredstava za subvencioniranje troškova po ovom Programu ostvaruju subjekti male privrede definisani Zakonom ("Službene novine Kantona Sarajevo", broj: 29/15) koji imaju sjedište na području Kantona Sarajevo i obavljaju djelatnosti obuhvaćene podtačkom b) tačke 1.1 Opći uslov – obavljanje registrovane osnovne djelatnosti iz ovog Programa, odnosno subjekti koji su registrovani za pružanje usluga u oblasti informaciono-komunikacionih tehnologija (prema Obavještenju službe za statistiku obavljaju osnovnu djelatnost u Području J – Informacije i komunikacije sa šiframa djelatnosti 62.01, 62.02, 62.03 i 62.09) i imaju najmanje deset zaposlenih. Pravo ostvaruju subjekti koji realizacijom dostavljenog programa/projekta imaju obavezu zaposliti nove radnike na minimalno godinu dana, a pojedinačno radno mjesto se vrednuje iznosom poticaja do 10.000,00 KM po jednom zaposlenom radniku.

#### **Iznos i namjena planiranih poticajnih sredstava**

Godišnjim planom za 2022. godinu i ovim Programom za ovu namjenu predviđen je ukupan iznos od 1.000.000,00 KM, pri čemu maksimalni iznos subvencioniranih sredstava za provođenje obuke u jednoj IT kompaniji ne može biti veći od 100.000,00 KM (slovima: stohiljada konvertibilnih maraka) uz obavezno zapošljavanje deset (10) radnika, a radno mjesto se vrednuje sa iznosom poticaja do 10.000,00 KM po zaposlenom radniku. Korisnik sredstava po ovom programu obavezan



je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovorenih odobrenih poticajnih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljiv trošak korisnika sredstava u dijelu njegovog sufinansiranja dostavljenog projekta po ovom programu. Korisnik sredstava je obavezan zadržati broj uposlenih koji je imao na dan podnošenja prijave, te je dužan da uz Izvještaj o utrošku poticajnih sredstava dostavi uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obaveznim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

## **2.4 Program: "Poticaj za unapređenje preduzetništva u domenu pružanja administrativnih usluga dominantno izvozne orijentacije"**

### **Ciljevi programa**

Ovim programom/projektom se omogućava poboljšanje kvaliteta znanja i vještina potencijalnih novih zaposlenika u domenu pružanja administrativnih usluga dominantno izvozne orijentacije, sa krajnjim ciljem da se u poslovnim subjektima koji posluju u domenu pružanja usluga dominantno izvozne orijentacije i koje provedu program obuke određenog broja mladih ili drugih nezaposlenih osoba, a koje osobe su u skladu sa zahtjevima subjekata ispunili preduslove za pohađanje i uspješno završili predmetne obuke, izvrši zapošljavanje na minimalno godinu dana.

### **Kriteriji i uslovi za izbor korisnika poticajnih sredstava**

Pravo učešća po ovom programu ostvaruje podnosilac prijave/poslovni subjekt koji ima sjedište na području Kantona Sarajevo i koji mora biti registrovan za obavljanje osnovne djelatnosti obuhvaćene podtačkom c) tačke 1.1 Opći uslov – obavljanje registrovane osnovne djelatnosti iz ovog Programa a koji subjekt ispunjava obavezan uslov da je u 2021. godini ostvario više od 50% prihoda na stranim tržištima. Korisnik sredstava/podnosilac prijave je obavezan obezbijediti vlastito učešće u visini od najmanje 10% od vrijednosti traženih sredstava prema projektu, dostaviti uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave ovog javnog poziva sa obaveznim prilogom - Lista osiguranih za obveznika, te dostaviti vlastitu Izjavu o kvalifikacionoj strukturi zaposlenih kao i projekat - interni program obuke prilagođen kompaniji/podnosiocu prijave (projekat pored ostalog mora uključivati: planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstva, iznos vlastitih ulaganja i sl.) i krajnjem cilju zapošljavanja polaznika koji uspješno završe obuku. Korisnik sredstava je obavezan dostaviti vlastitu Izjavu o kvalifikacionoj strukturi zaposlenih kao i interni program – projekt obuke prilagođen vlastitoj organizaciji i krajnjem cilju zapošljavanja polaznika koji uspješno završe obuku. Obuka mora biti organizovana iz predmetne djelatnosti na koju se odnosi ovaj program, što podrazumijeva obuku s ciljem da potencijalni novi zaposlenici steknu vještine rada, koje će koristiti u radu u odnosnom subjektu.

### **Korisnici programa**

Pravo na dodjelu poticajnih grant sredstava za subvencioniranje troškova po ovom Programu ostvaruju subjekti male privrede definisani Zakonom ("Službene novine Kantona Sarajevo", broj: 29/15) koji imaju sjedište na području Kantona Sarajevo i obavljaju djelatnosti obuhvaćene podtačkom c) tačke 1.1 Opći uslov – obavljanje registrovane osnovne djelatnosti iz ovog Godišnjeg plana, koji obavljaju djelatnosti iz domena izvozno orijentisanih usluga uz uslov da je poslovni subjekt u 2021. godini ostvario više od 50% prihoda na stranim tržištima. Podnosilac prijave mora imati najmanje 10 uposlenih, obezbijediti vlastito učešće u visini od najmanje 10% od vrijednosti traženih sredstava prema projektu i nakon dana objave javnog poziva po ovom programu u 2022. godini realizovati interni program/projekt obuke i osposobljavanja za obavljanje poslova u registrovanoj osnovnoj djelatnosti.





## **Iznos i namjena planiranih poticajnih sredstava**

Godišnjim planom za 2022. godinu i ovim Programom za ovu namjenu predviđen je ukupan iznos od 200.000,00 KM, pri čemu maksimalni iznos subvencioniranih sredstava za provođenje obuke u jednom subjektu ne može biti veći od 56.000,00 KM (slovima: pedesetšesthiljada KM) uz obavezno zapošljavanje osam radnika, a radno mjesto se vrednuje sa iznosom poticaja do 7.000,00 KM po jednom zaposlenom radniku. Sredstva su namijenjena za subvencioniranje troškova unaprjeđenja, razvijanja i jačanja preduzetništva u domenu izvozno orijentisanih administrativnih usluga u kojima Kanton Sarajevo bilježi značajne komparativne prednosti i u kojima je u posljednjih nekoliko godina kreiran veliki broj novih radnih mjesta. Poticaj za unaprjeđenje ove vrste preduzetništva je program koji je u 2022. godini namijenjen izvozno orijentisanim subjektima koji u skladu sa svojim internim programima obuke za grupe polaznika (3 do 10 osoba) izvrše pružanje usluga provođenja programa interne obuke i osposobljavanja, odnosno prilagođavanja radu u domenu izvozno orijentisanih predmetnih administrativnih usluga. Namjena odobrenih sredstava je da izvozno orijentisani subjekt nakon provedenog programa interne obuke i osposobljavanja kreira platformu za zapošljavanje polaznika obuke u skladu sa odobrenim sredstvima. Korisnik sredstava je obavezan zadržati broj uposlenih koji je imao na dan podnošenja prijave, te je dužan da uz Izvještaj o utrošku poticajnih sredstava dostavi uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obaveznim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

## **2.5 Program: "Refundiranje dijela troškova kamata po preuzetim kreditima"**

### **Ciljevi programa**

Ovaj program se realizuje sa ciljem obezbjeđenja približno jednakih uslova obezbjeđenja kreditnih sredstava pivrednim subjektima za obavljanje poslovne djelatnosti, a koji subjekti su u prethodnim godinama kod komercijalnih banaka realizovali kredite sa kamatnom stopom (EKS) većom od 2,5%, a čija namjena je bila nabavka osnovnih sredstava i opreme, održavanje tekuće likvidnosti, novo zapošljavanje, obezbjeđenje redovnog poslovanja i/ili finansiranje investicija za rast i razvoj subjekta male privrede. Ovim putem se refundira dio troškova kamata, a korisnik sredstava je obavezan da nakon uplate odobrenih sredstava po ovom programu ista utroši za daljnji razvoj poslovnog subjekta, jačanje konkurentnosti, ekonomsku stabilnost, tekuće poslovanje i održavanje postojećih radnih mjesta.

### **Kriteriji i uslovi za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da je navedena osnovna djelatnosti obuhvaćena podtačkom d) tačke 1.1 Opći uslov – obavljanje registrovane osnovne djelatnosti iz ovog Programa, čime privredni subjekt dokazuje pravo podnošenja zahtjeva za dodjelu poticajnih grant sredstava. Podnosioci prijave obavezni su dostaviti važeći ugovor o kreditu sa komercijalnom bankom iz kojeg je jasno vidljiva namjena odobrenih kreditnih sredstava (ulaganje u stalna sredstva i investicije, ili za obrtna sredstva u svrhu obezbjeđenja tekuće likvidnosti na način koji omogućava povećanje obima proizvodnje i/ili usluga), a po kojem su isti subjekti uredno servisirali obaveze po kreditu i u 2019., 2020. i 2021. godini. Neprihvatljivi su ugovori o odobrenju kreditnih sredstava za kupovinu zemljišta, izvođenje vanjskih građevinskih radova, kupovinu i najam osobnih vozila. Podnosioci prijave su obavezni dostaviti potvrdu banke o redovnoj otplati kredita u navedenom periodu za koji se traži refundiranje troškova sa obaveznim pregledom (broj ugovora/kreditne partije, ukupnim iznosom obračunatih i plaćenih kamata) za svaku godinu za koju se traži subvencija dijela troškova kamate u komercijalnim bankama.

### **Korisnici programa**

Pravo na dodjelu poticajnih grant sredstava za subvencioniranje (refundiranje) kamata po preuzetim kreditima ostvaruju subjekti male privrede (krajnji korisnici kreditnih sredstava) definisani u skladu





sa Zakonom o poticaju razvoja male privrede koji: imaju sjedište na području Kantona Sarajevo, obavljaju djelatnosti obuhvaćene potačkom d) tačke 1.1 Opći uslov – obavljanje registrovane osnovne djelatnosti iz ovog Programa, imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik), i koji dostave zaključene važeće ugovore o kreditu sa komercijalnim bankama iz prethodnog perioda a koji se odnose na: 2019. 2020. i 2021. godinu. Refundirati) će se dio troškova kamate za realizovane kredite koji imaju efektivnu kamatnu stopu (EKS) veću od 2,5%. Visina refundiranog dijela plaćenih troškova kamata za odobrene kredite poslovnim subjektima kod komercijalnih banaka za 2019. 2020. i 2021. godinu iznosi:

1. 50% plaćene kamate na kredite sa efektivnom kamatnom stopom većom od 2,5% do 5%.
2. 60% plaćene kamate na kredite sa efektivnom kamatnom stopom većom od 5%.

### **Iznos i namjena planiranih poticajnih sredstava**

Godišnjim planom za 2022. godinu i ovim Programom za ovu namjenu predviđen je iznos od 200.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede". Minimalan iznos kredita za koji će se refundirati dio troškova kamata je 20.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na refundiranje/subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja, odnosno odobrene refundacije iznosi do 15.000,00 KM prihvatljivih troškova kamata. Korisnik sredstava je obavezan da odobrena sredstva po ovom programu, a nakon zaključenja ugovora sa Ministarstvom, utroši za jačanje konkurentnosti i poticaj razvoja subjekta, ekonomsku stabilnost poslovnog subjekata, održavanje postojećih radnih mjesta, novo upošljavanje, pokretanje nove i održavanje postojeće proizvodnje, unutrašnje uređenje poslovnog prostora koji je fizički odvojen od stambenog dijela i ukoliko je izvođač odnosnih radova uređenja poslovni subjekt registriran za obavljanje tih radova prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik sredstava je obavezan zadržati broj uposlenih koji je imao na dan podnošenja prijave, te je dužan da uz Izvještaj o utrošku poticajnih sredstava dostavi uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obaveznim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

### **2.6 Program: "Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja"**

#### **Ciljevi programa**

Ovim programom se refundiraju (subvencioniraju) troškovi poslovnog subjekta za: kupovinu mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata u Bosni i Hercegovini uz obavezan račun i fiskalni račun, a koji troškovi su nastali u 2020. i 2021. godini. Korisnik sredstava je obavezan da odobrena sredstva po ovom programu utroši za daljnji razvoj i jačanje konkurentnosti, ekonomsku stabilnost i održavanje postojećih radnih mjesta, novo upošljavanje, pokretanje nove i održavanje postojeće proizvodnje, unutrašnje uređenje poslovnog prostora koji je fizički odvojen od stambenog dijela i ukoliko je izvođač odnosnih radova uređenja poslovni subjekt registriran za obavljanje tih radova, povećanje izvoza, dobijanje i obnavljanje odgovarajućih certifikata.

#### **Kriteriji i uslovi za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da je navedena osnovna djelatnost obuhvaćena potačkom d) tačke 1.1 Opći uslov – obavljanje registrovane osnovne djelatnosti iz ovog Programa, čime privredni subjekt dokazuje pravo podnošenja zahtjeva za dodjelu poticajnih



grant sredstava. Kriteriji i uslovi za izbor korisnika poticajnih grant sredstava za ove namjene su: dostavljanje ugovora i/ili računa uz obavezan fiskalni račun, i drugih dokaza o vrijednosti kupljenih mašina i opreme (osim mobilijara) koja nije starija od pet godina i koja je nabavljena od registrovanih poslovnih subjekata uz obavezan fiskalni račun, te zaključeni ugovori subjekata male privrede iz 2020. i 2021. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: ugovore i/ili račune uz obavezan fiskalni račun i izvode iz banke o plaćenim troškovima za uvođenje i certificiranje kvaliteta, i druge međunarodne standarde, dokaz o posjedovanju certifikata izdatog od ovlaštene certifikacijske organizacije u 2020. i 2021. godini; dokaz o obnovljenom standardu u 2020. i 2021. godini; dokaz da imaju osiguran CE znak u 2020. i 2021. godini ili posjeduju Tehnički fajl – dosije (naslovna strana) sa pripadajućim procedurama, uputstvima, zapisima za osiguranje kvalitete proizvoda i dokazima o izvršenim uslugama. Ostali kriteriji se definišu javnim pozivom.

### **Korisnici programa**

Pravo na dodjelu poticajnih grant sredstava za subvencioniranje (refundiranje) dijela troškova nastalih u 2020. i 2021. godini, u skladu sa članom 12. tačka j) Zakona ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na području Kantona Sarajevo, obavljaju osnovnu djelatnost obuhvaćenu podtačkom d) tačke 1.1 Opći uslov – obavljanje registrovane osnovne djelatnosti iz ovog Programa, imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik). Pravo na dodjelu poticajnih grant sredstava za subvencioniranje (refundiranje) dijela troškova nastalih u 2020. i 2021. godini po ovom programu ostvaruju subjekti male privrede sa sjedištem na području Kantona Sarajevo, koji su sredstva koristili za odnosne aktivnosti neophodne za obavljanje osnovne djelatnosti, i to za: kupovinu mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata u Bosni i Hercegovini uz obavezan račun i fiskalni račun ili uz odgovarajuću kompletnu uveznu dokumentaciju. Pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koje su produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun. Također, isto pravo na dodjelu poticajnih sredstava ostvaruju subjekti male privrede za jačanje konkurentnosti po osnovu uvođenje sistema međunarodnih standarda kvalitete, te u vezi sa tim od strane registrovanih institucija odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove stjecanja prava ili obnavljanja upotrebe: ISO, HACCP, HALAL i drugih međunarodnih standarda. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta vozila osim teretnih vozila registrovanih na odnosni subjekt male privrede, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluge i radovi koje isporučuju ili obavljaju partnerski i/ili subjekti na bilo koji način povezani s podnosiocem prijave, te svi ostali troškovi koji nisu navedeni kao prihvatljivi

### **Iznos i namjena planiranih poticajnih sredstava**

Godišnjim planom za 2022. godinu i ovim Programom za ovu namjenu predviđen je iznos od 642.000,00 KM. Sredstva će se odobravati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 20.000 KM. Sredstva za subvencioniranje (refundiranje) prihvatljivih troškova po ovom programu uplaćuju se na račun korisnika po osnovu, između ostalih dokaza i dostavljenih slijedećih dokaza: ugovora i/ili računa uz obavezan fiskalni račun, kojima se dokazuje namjensko korištenje sredstava i dostavljenog dokaza o plaćanju ugovora i/ili računa, i drugih dokaza. Korisnik sredstava je obavezan da odobrena



sredstva po ovom programu utroši za jačanje konkurentnosti i poticaj razvoja poslovnog subjekata, ekonomsku stabilnost poslovnih subjekata, održavanje postojećih radnih mjesta, novo upošljavanje, pokretanje nove i održavanje postojeće proizvodnje, unutrašnje uređenje poslovnog prostora koji je fizički odvojen od stambenog dijela i ukoliko je izvođač odnosnih radova uređenja poslovni subjekt registriran za obavljanje tih radova, povećanje izvoza, dobijanje i obnavljanje odgovarajućih certifikata. Korisnik sredstava je obavezan zadržati broj uposlenih koji je imao na dan podnošenja prijave, te je dužan da uz Izvještaj o utrošku poticajnih sredstava dostavi uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obaveznim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

## **2.7 Program: "Poticaj za nova ulaganja u tehnološku modernizaciju i primjenu standarda kvalitete"**

### **Ciljevi programa**

Ovaj program namjenjen je za jačanje konkurentnosti subjekata male privrede koji u skladu sa registrovanom osnovnom djelatnosti od dana objave odnosnog javnog poziva u 2022. godini do isteka roka trajanja javnog poziva, a u skladu sa istim dostave odgovarajuću dokumentaciju (račune, predračune/profakture/ponude) za prihvatljive troškove nabavke osnovnih sredstava, opreme, kupovinu mašina, alata i tehnike (osim laptopa) koja nije starija od pet godina i koja je nabavljena od registrovanih poslovnih subjekata. Također, ovim programom omogućava se modernizacija i inovacija poslovnih procesa, uvođenje sistema međunarodnih standarda i refundirane troškova certificiranja sistema i proizvoda (CE oznaka) i troškova stjecanja prava ili obnavljanja upotrebe standarda: ISO, HACCAP, HALAL i drugih međunarodnih standarda kvalitete.

### **Kriteriji i uslovi za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da se navedena osnovna djelatnost poslovnog subjekta nalazi na popisu dozvoljenih djelatnosti obuhvaćenih podtačkom d) tačke 1.1 Opći uslov – obavljanje registrovane osnovne djelatnosti iz ovog Programa čime privredni subjekt dokazuje pravo na podnošenje prijave za dodjelu poticajnih sredstava. Podnosilac prijave dužan je dostaviti račune/predračune/profakture/ponude koje nisu starije od dana objave odnosnog javnog poziva a koje su u vrijednosti od najmanje 3.000,00 KM u cilju nabavke osnovnih sredstava, tehnike i opreme (osim laptopa), mašina i alata za modernizaciju i inovaciju poslovnih procesa (koja se koristi u vremenu dužem od jedne godine), te za uvođenje sistema međunarodnih standarda kvalitete, troškova certificiranja sistema i certificiranja proizvoda (CE oznaka) i troškova stjecanja prava ili obnavljanja upotrebe: ISO, HACCP, HALAL i drugih međunarodno priznatih standarda. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta vozila osim teretnih vozila registrovanih na odnosni subjekt male privrede, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluge i radovi koje isporučuju ili obavljaju partnerski i/ili subjekti na bilo koji način povezani s podnositeljem prijave, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Pravo ne mogu ostvariti privredni subjekti koji su za bilo koju navedenu namjenu za koju su podnijeli prijavu ostvarili subvenciju, donaciju ili drugi vid finansijske pomoći. Odabrani korisnik poticajnih sredstava subvencije/refundacije za prihvatljive troškove po ovom programu obavezan je da nakon zaključenog ugovora sa Ministarstvom privrede, a prije uplate odobrenih sredstava na dostavljeni transakcijski račun, dostavi odgovarajuće račune i/ili ugovore uz obavezan fiskalni račun i prihvatljiv dokaz o plaćanju (izvod iz banke) kojima dokazuje odnosni namjenski trošak po osnovu kojeg su odnosnom korisniku u skladu sa dostavljenim dokumentima uz prijavu odobrena sredstva, kao i da dostavi fotodokumentaciju mašina, postrojenja i opreme koja je nabavljena i kojima





potvrđuje da je realizovao prihvaćene troškove/aktivnosti u skladu sa javnim pozivom i podnesenom prijavom (računima/ predračunima/profakturama/ponudama). Svi dokazi dostavljeni uz prijavu, te navedeni dokazi o plaćanju istih koje dostavlja odabrani korisnik moraju biti zasnovani/nastali u 2022. godini nakon dana objave javnog poziva po ovom programu. Nalog za plaćanje, kompenzacija i cesija ne prihvaćaju se kao dokaz o izvršenom plaćanju. U slučaju da odabrani korisnik poticajnih sredstava po ovom programu dostavi dokumentaciju kojom djelimično ili u potpunosti ne dokazuje namjenski utrošak odobrenih poticajnih sredstava u skladu sa podnesenom prijavom (računima/ predračunima/profakturama/ponudama) i zaključenim ugovorom, Ministarstvo privrede će iste troškove proglasiti neprihvatljivim i neće odobriti poticajna sredstva.

### **Korisnici programa**

Pravo na dodjelu poticajnih sredstava za subvencioniranje/refundiranje dijela prihvatljivih troškova, a koji troškovi su zasnovani/nastali nakon dana objave javnog poziva po ovom programu ostvaruju subjekti male privrede definisani u skladu sa Zakonom o poticaju razvoja male privrede koji imaju sjedište na području Kantona Sarajevo i koji su registrovani najkasnije do 31.12.2021. godine. Pravo ostvaruju poslovni subjekti koji obavljaju osnovne djelatnosti obuhvaćene podtačkom d) tačke 1.1 Opći uslov – obavljanje registrovane osnovne djelatnosti iz ovog Programa i koji imaju najmanje jednog zaposlenog na neodređeno vrijeme (vlasnik ili jedan zaposlenik).

### **Iznos i namjena planiranih poticajnih sredstava**

Godišnjim planom za 2022. godinu i ovim Programom za ovu namjenu predviđen je iznos od 300.000.00 KM. Poticajna sredstva za sve dozvoljene prihvatljive aktivnosti poslovnih subjekata po ovom programu koje su nastale nakon dana objave javnog poziva do isteka roka trajanja javnog poziva, će biti uplaćena na dostavljene račune korisnika u iznosu do 50% priznatih prihvatljivih troškova za ove namjene. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 20.000,00 KM. Ministarstvo privrede (u skladu zaključenim ugovorom o dodjeli sredstava, prijavom i dostavljenim/prihvaćenim dokazima o utrošku sredstava) svojom odlukom odobrava iznos sredstava za koje se obavezuje da se taj iznos poticajnih uplati na dostavljeni račun korisnika. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva do isteka roka trajanja istog, a najkasnije do 15.12.2022. godine. Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg subjekta, ekonomsku stabilnost poslovnog subjekata, održavanje postojećih radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik sredstava je obavezan zadržati broj uposlenih koji je imao na dan podnošenja prijave, te je dužan da uz Izvještaj o utrošku poticajnih sredstava dostavi uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obaveznim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

## **2.8 Program: "Poticaj razvoja ženskog preduzetništva"**

### **Ciljevi programa**

Cilj ovog programa je da se promovira i afirmira preduzetništvo žena Bosne i Hercegovine, poboljša položaj poslovnih žena u našem društvu, ali i da se istovremeno poticajnim sredstvima pomogne razvoj ženskog poduzetništva i plasiranje proizvoda, te aktivnije učestvovanje žena poduzetnica u kreiranju novog, boljeg i adekvatnijeg ambijenta za razvoj poduzetništva u BiH.





## Kriteriji i uslovi za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da je navedena osnovna djelatnost obuhvaćena podtačkom d) tačke 1.1 Opći uslov – obavljanje registrovane osnovne djelatnosti iz ovog Programa, čime privredni subjekt dokazuje pravo podnošenja zahtjeva za dodjelu poticajnih grant sredstava. Kriteriji za izbor korisnika poticajnih grant sredstava za ove namjene su: dostavljanje ugovora i/ili računa uz obavezan fiskalni račun, i drugih dokaza o vrijednosti kupljenih mašina i opreme koja nije starija od pet godina i koja je nabavljena od registrovanih poslovnih subjekata uz obavezan fiskalni račun, te zaključeni ugovori subjekata male privrede iz 2020. i 2021. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: ugovore i/ili račune uz obavezan fiskalni račun i izvode iz banke o plaćenim troškovima za uvođenje i certificiranje kvaliteta, i druge standarde EU, dokaz o posjedovanju certifikata izdatog od ovlaštene certifikacijske organizacije u 2020. i 2021. godini; imaju dokaz o obnovljenom standardu u 2020. i 2021. godini; imaju osiguran CE znak u 2020. i 2021. godini ili posjeduju Tehnički fajl – dosije (naslovna strana) sa pripadajućim procedurama, uputstvima, zapisima za osiguranje kvalitete proizvoda i dokazima o izvršenim uslugama. Ostali kriteriji se definišu u javnom pozivu. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta vozila osim teretnih vozila registrovanih na odnosni subjekt male privrede, troškovi električne energije, vode i drugi komunalni troškovi, troškovi repromaterijala, opreme, usluge i radovi koje isporučuju ili obavljaju partnerski i/ili subjekti na bilo koji način povezani s podnosiocem prijave, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Pravo ne mogu ostvariti privredni subjekti koji su za bilo koju navedenu namjenu, po kojoj su podnijeli prijavu za dodjelu grant sredstava, u odnosnom periodu ostvarili subvenciju, donaciju ili drugu finansijsku pomoć.

## Korisnici programa

Pravo na dodjelu poticajnih grant sredstava za subvencioniranje dijela troškova nastalih u 2020. i 2021. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje najmanje jednog zaposlenog na neodređeno vrijeme u punom radnom vremenu (vlasnica ili jedan zaposlenik). Pravo ostvaruju subjekti male privrede koji obavljaju osnovnu djelatnost obuhvaćenu podtačkom d) tačke 1.1 Opći uslov – obavljanje registrovane osnovne djelatnosti iz ovog Programa. Pravo na poticajna sredstva za subvencioniranje (refundiranje) dijela plaćenih troškova od 01.01.2020. do 31.12.2021. godine poslovni subjekti ostvaruju za sljedeće aktivnosti: nabavku mašina, postrojenja, alata i opreme, tehnike (osim laptopa) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima i ukoliko je izvođač odnosnih radova uređenja poslovni subjekt registriran za obavljanje tih radova; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, te za troškove zakupa poslovnog prostora i za troškove registracije i pokretanja poslovnog subjekta, ukoliko dokažu da su sredstva koristili za te namjene.

## Iznos i namjena planiranih poticajnih sredstava

Za ovaj program planiran je ukupan iznos od 500.000,00 KM. Sredstva za refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

račun korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke). Minimalni iznos prihvatljivih troškova koje je podnosilac prijave obavezan dostaviti iznosi 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 15.000,00 KM. Sredstva se dodjeljuju isključivo za troškove u periodu od 01.01.2020. godine do 31.12.2021. godine. Po zaključenju ugovora sa Ministarstvom privrede, korisnik poticajnih sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg poslovnog subjekta, ekonomsku stabilnost poslovnog subjekta, održavanje postojećeg broja radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva, te je obavezan zadržati broj uposlenih koji je imao na dan podnošenja prijave. Korisnik poticajnih grant sredstava dužan je uz Izvještaj o utrošku sredstava dostaviti uvjerenje Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) sa obavezanim prilogom - Lista osiguranih za obveznika ne starije od 30 dana od dana podnošenja Izvještaja o utrošku sredstava.

## **2.9 Program: “Poticaj projektima promocije obrtništva”**

### **Ciljevi programa**

Razvoj i afirmacija poduzetništva i obrta; interesno umrežavanje obrazovanja, poduzetnika i obrtnika, organizirano zastupanje interesa obrtnika i ravnomjerniji lokalni razvoj obrtništva.

### **Kriteriji i uslovi za izbor korisnika poticajnih sredstava**

Uslovi i kriteriji za izbor korisnika poticajnih grant sredstava podrazumijevaju obavezno dostavljanje programa/projekta usklađenog sa namjenom sredstava. Program/projekat mora sadržavati slijedeće elemente: izvor i način finansiranja, broj članova udruženja obrtnika, organiziranost podnosioca prijave, ravnomjerniji lokalni razvoj, iznose i namjenu dosadašnjih poticaja od strane Federalnog ministarstva razvoja, poduzetništva i obrta. Podnesene prijave (aktivnosti dostavljenog programa/ projekata) na osnovu kojih se iste ocjenjuju odnose se na: usklađenost ciljeva programa ili projekta sa ciljevima i prioriternim oblastima iz strateških dokumenata, organizacijske kapacitete podnosioca prijave, dosadašnja iskustva podnosioca prijave u provođenju istog ili sličnih aktivnosti/ programa/projekata, učešća drugih partnera u realizaciji, budžeta programa/projekta koji treba biti razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti programa/projekta, iznosu koji se traži od davaoca sredstava, iznosu i namjeni vlastitih sredstava koje će podnosilac prijave sam uložiti u provođenje aktivnosti programa/projekta (sufinansiranje) i sl. Po ovom pojedinačnom programu, Ministarstvo privrede Kantona će odbiti program/projekt podnosioca prijave ako isti ne zadovoljava odnosne uslove i kriterije.

### **Korisnici programa**

U skladu sa članom 12. tačka k) Zakona i strateškim ciljem davanje podrške zaštiti i revitalizaciji tradicionalnih i starih zanata i drugih obrta pravo na dodjelu poticajnih grant sredstava za sufinansiranje/finansiranje odgovarajućeg prihvatljivih aktivnosti programa/projekta u skladu sa ovim programom i javnim pozivom ostvaruje Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo. Podnosilac prijave mora obezbjediti vlastito učešće u visini od najmanje 10% od ukupne vrijednosti projekta i isti prihvaćeni projekat provesti nakon dana objave javnog poziva po ovom programu u 2022. godini u roku od najduže šest mjeseci.



## Iznos i namjena planiranih poticajnih sredstava

Za provođenje ovog programa je Godišnjim planom za 2022. godinu i ovim Programom predviđen iznos od 50.000,00 KM. Maksimalan iznos poticaja po jednom prihvaćenom programu/projektu može iznositi najviše do 20.000,00 KM. Sredstva za provođenje ovog programa su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na programe/projekte u skladu sa kriterijima iz Javnog poziva. Korisnik poticajnih grant sredstava koji po ovom osnovu ostvari poticaj dužan je uz redovni Izvještaj dostaviti dokaze o utrošku vlastitih i odobrenih poticajnih sredstava. Poticaj za promociju obrtništva je program namijenjen za: razvoj i afirmaciju svih obrta, očuvanje obrtničke tradicije, kulturnog i historijskog nasljeđa tradicionalnih i starih obrtničkih djelatnosti, održavanje edukacija i promocija u cilju jačanja veza između obrazovnog sistema i obrtništva, subvencioniranje troškova obrtnika za učešće na sajmovima i izložbama u cilju jačanja veza između obrazovnog sistema i obrtništva, interesno umrežavanje obrtnika i organizovano zastupanje i predstavljanje interesa obrtnika.

U cilju realizacije Godišnjeg plana za 2022. godinu, na osnovu člana 2. stav (5) Pravilnika o postupcima u provođenju Programa razvoja male privrede ("Službene novine Kantona Sarajevo", broj 20/21) i Odluke o usvajanju Godišnjeg plan provođenja Programa razvoja male privrede za 2022. godinu ("Službene novine Kantona Sarajevo", broj 25/22), Ministarstvo privrede Kantona Sarajevo donosi Odluku o usvajanju Programa utroška sredstava "Poticaj razvoju male privrede". Javni poziv za izbor korisnika poticajnih grant sredstava i javni poziv za izbor banke ili banaka za plasman poticajnih kreditnih sredstava objavljuje Ministarstvo. Javni pozivi objavljuju se na web stranici Ministarstva, a odnosna obavještenja o ovim javnim pozivima objavljuju se u "Službenim novinama Kantona Sarajevo" i u dnevnom listu čiji je izdavač - pravno lice sa sjedištem u Kantonu Sarajevo.

Program utroška sredstava "Poticaj razvoju male privrede za 2022. godinu" u iznosu 8.892.000,00 KM usklađen je sa Zakonom o poticaju razvoja male privrede, Pravilnikom o postupcima u provođenju Programa razvoja male privrede, Zakonom o izvršenju Budžeta Kantona Sarajevo za 2022. godinu („Službene novine Kantona Sarajevo“, broj 5/22) i Godišnjim planom provođenja programa razvoja male privrede za 2022. godinu ("Službene novine Kantona Sarajevo", broj 25/22).



Dostaviti:

1. Evidencija
2. a/a

